









4719 12.

DISCOVRS

DES PREPARATIONS

faictes par frere Iaques Clement , re-
ligieux de l'ordre de S. Dominicque,
pour deliurer la France de Henry de
Valois , lequel fust tué à S. Cloud pres
Paris, le premier iour d'Aoust. 1589.




A L R O N,

Aucc Permission.

1589.

DISCOVER
 OF REPARATIONS
 39
 326
 1589



THE NEWBERRY
 LIBRARY

DISCOVRS DES

preparations faictes par frere
Iacques Clement, religieux de
l'ordre de S. Dominique, pour
deliurer la France de Henry de
Valois, lequel fust tue a saint
Cloud pres Paris, le premier iour
d'Aoust, 1589.

MESSIEURS, ie m'asseure
que vous ne serés point
marrys que ie vous fasse
part de quelques petites particu-
larités qui ce sont passées en la mort
d'Henry de Valois, & comporte-
mens de frere Iacques Clement, c'est
heureux religieux, qui en a despesché
la France, lesquelles i'ay apprins de
Monsieur le prieur des Iacobins de
ceste ville, homme tresdocte, lequel

a interpreté en dix predications l'histoire de Iudith. Or pour les perfections dudit religieux, sont, qu'il estoit fort simple & treshumble, & duquel l'on tenoit bien peu de cōpte au Couuent: toutesfois homme de bonne vie & craignant Dieu. Or iceluy entendant les cruautés que exerçoient ordinairement les ennemis & troupes dudit Henry de Valois, il en receuoit vn grand regret en son cœur, & tousiours disoit: Ne se trouuera il point quelque hōme de bien, qui pour deliurer l'Eglise & tant de gens de bien, de si grandes miseres, ne vueille hazarder sa vie & mettre à mort le chef de la tyrannie? O que vn tel homme seroit heureux? Telles estoient ses parolles ordinaires: & d'abondāt apres qu'il sçeust la prinse d'Estampes, & eust entendu
les

5
les cruautés qui cy estoient commises, disoit publicquement à ses compagnons, qu'il failloit necessairemēt que vn tel tyran mourut par sa main. Ce qu'entendant les autres religieux iugeāt l'inhabilité du personnage, ce mocquoient de luy:& en le r'encontrant le gossoient, luy disant, & bien capitaine Clement, le cousteau est il biē aiguisé: vn autre l'appelloit capitaine de la Chaussée, ou semblable nom que prennent ordinairement ces nouueaux soldats, affin que lon ne les cognoisse par leur nom propre. De toutes lesquelles gosseries ledict religieux ne se soucioit point, ains persistoit tousiours en son opinion & volonté, iusques à ce qu'ayant veu que ledict Henry de Valois, & tous ses adherans s'approchoient si pres de ceste ville de Paris, & qu'ilz la vou-

loient assieger. Alors il s'aduifast cō-
 me il pourroit mettre en execution
 sa deliberation. Il ne faut passer soubs
 silence la preparation qu'il faisoit
 pour mettre à fin vne si heroyque en-
 treprinse, & non humaine, mais diui-
 ne: c'est qu'il ieusnoit ordinairement
 au pain & à l'eau, & perseueroit en
 deuotes prieres. Enuirō quatre iours
 auant le faict, il ne pouuoit dormir,
 tellement que quand il vouloit ou
 pensoit prendre son repas, il luy sem-
 bloit qu'une voix le reueilloit, & luy
 disoit qu'il estoit necessaire qu'il effe-
 ctuaist ce qu'il auoit en volonte: non
 pas que visiblement il aye veu vn an-
 ge, comme quelques vns ont mis par
 escript, mais c'estoit seulement in-
 spiratiō de Dieu. Or ledict religieux
 considerant tout cecy, se resolut de
 mettre la main à l'œuvre, & comme
 conduict

conduict de l'esprit de Dieu, s'en va
 accoster vn certain crocheteur, qu'il
 scauoit tresbiē estre politique, & luy
 dit, qu'il auoit grand desir d'estre ser-
 uiteur du Roy, & de ceux de son par-
 ty, & de leur faire quelque seruice
 agreable en quelque bō affaire. Al-
 lors luy respondit ledict crocheteur,
 que s'il estoit de c'este bonne volon-
 té la, qu'il le meneroit en quelques
 bons endroicts de ceste ville ou il se-
 roit bien employé, ce qu'il fist, & ioua
 si bien, ledict religieux, son personna-
 ge, qu'il tira lettres d'iceux politiques
 pour l'eslargissement du Comte de
 Bryēne, avec pareil passeport dudit
 seigneur. Et d'auantage lesdicts poli-
 tiques escriuoient à leur Roy, qu'il ne
 luy osoient escrire amplement, crai-
 gnant que ledict religieux ne fust
 pris, mais de bouche il sçauoit ce
 qu'ilz

qu'ilz auoient reſerué. Ayāt donc le dict religieux tout ce qu'il deſiroit, il print congé deſdicts politicques, & ſ'en reuint à ſon Couuent, ou il emprunta ſept ſolz & demy d'un autre religieux, à cauſe que pour ſa grande pauvreté il n'auoit pas vn denier, dōt il achepta le couſteau duquel il ſ'eſt ſeruy. Or il faut entendre icy choſe pour toute aſſeuree, que le Tyran eſtoit aduertý, ſoit que ſ'aye eſté par forcelleries ou par autres moyens diaboliques, qu'un religieux Iacobiñ luy debuoit apporter ſa ruine, & cela eſtoit fort commun par ſon camp: de faiēt que ledict tyran auoit ordōné enuiron ſix iours auparauant ſa mort, que homme viuant n'entreroit en ſa chambre, fuſt il Prince ou gentil-homme, hormis enuiron ſix de ces plus familiers mignons qu'il auoit choiſi,

choisi, & par ce moyē pensoit euitier le coup : mais par la iuste permission de Dieu ledict religieux y est entré. Iceluy donc ayāt dict sa messe, poussé de charité enuers Dieu, & enuers sa patrie, partit du Couuēt de ceste ville de Paris, disant à quelques vns de ces compaignons qu'il s'en alloit à Orleans: lesquels nullement ne se doubtoient de son entreprinse, comme ne l'ayant déclaré à personne. Or estant party & paruenü à S. Cloud, en son habit ordinaire, allast en vn certain logis pour disner: tout aussi tost que ceux du logis luy eurent aduisé son cousteau qu'il portoit, luy dirent: Frere vous n'aues pas oublié vostre cousteau, auez vous point oublié vostre breuiaire. Alors tirant son breuiaire de son seing il leur dict, ie n'ay pas oublié mon cousteau ny mon bre-

uaire. Et iceux luy dirēt, nous ne vous
disons pas cela sans occasion, car le
Roy est aduerti que vn religieux de
vostre habit, luy doit faire finir ces
iours. Alors il leur respondit avec vne
grande discretiō, & comme homme
que les Anges conduisoient, il pour-
roit bien estre, car en toutes compa-
gnies il se treuve des bons & des me-
schants, & disoit cela avec vne con-
stance & sans changer. Ayant faict &
pris son repas il s'en allast au camp,
& estant interrogé, il dict qu'il auoit
des lettres pour le Roy de la part de
ses meilleurs seruiteurs. Le Roy com-
mande que lon luy apporte lesdictes
lettres, & que ce pendant le religieux
fust gardé & logé: & passa ainsi la
nuict au camp, & reposa d'un som-
meil fort paisible: & durant qu'il dor-
moit, le tyran enuoyoit à toutes heu-
res

res voir s'il dormoit, & luy fust rapporté tousiours, qu'il reposoit fort paisiblement, qui fust la principale cause & indice pourquoy il ne se desfia poinct de luy. Et vrayement ceci est bien pour clorre la bouche à quelques meschants atheistes qui ont voulu dire que le diable auoit suscité ce religieux à ce faire, lesquelz ledict pieur en ses predications à bien rembarrez par belles raisons, signammēt par ceste cy, Que vn hōme inspiré du diable à faire tel acte, ne dort pas d'un si trāquille sommeil, mais il est si troublé qu'il ne peut en aucune façon reposer, qu'il n'aye acheué sa deliberation. Or estant venu le lendemain qu'estoit le premier iour d'Aouſt, que l'Eglise solemnize la feste de ſainct Pierre aux liens: tout ainſi que ce bon apostre fust deliuré par la diuinité en

tel iour des chaines qui l'ẽtournoieẽt:
 ainfi faut croire que par ces interces-
 sions & prieres, la desoleẽ France a
 estẽ deliuree des chaines & harpes
 du Tyrã. Lediẽt religieux est enuoyẽ
 querir par lediẽt sieur Roy des Poli-
 tiques, n'ayant seulement qu'vne
 robe de chambre sur luy, ne venant
 que de ce leuer pour entẽdre debou-
 che, ce que ces gẽtilz nouueaux sub-
 iects siens luy auoient enchargẽ de
 dire. Estant doncques frere Iaques
 Clement entrẽ dans la chambre, le-
 dit Tyrã luy diẽt, & bien mon pere,
 vous auẽs quelque chose à me dire
 outre le contenu des lettres que vous
 m'auẽz apportees? ouy biẽ, Sire, respõ-
 dit il alors, & tirant quelques papiers
 de son seing, en laissa tumber expres
 quelques vns au pieds dudiẽt Tyrã,
 & comme il les releuoit de son bras
 gauche,

gauche, il tira de sa main dextre son
 cousteau qui estoit cōme caché dans
 la manche de sondict bras gauche:&
 feist si accortemēt qu'aucun ne l'ap-
 perceust, & en ce releuant le bras,
 feist cy à propos qu'il enfonça son
 cousteau dans le ventre du Tyrā fort
 auant, & le laissa la:& ouurāt les bras
 s'escria, que lō feist de luy ce que lon
 voudroit,& qu'il ne s'ē soucioit point
 puis qu'il auoit faiēt ce qu'il desiroit.
 Et soudain à la clameur du Tiran, il
 fust frappé sur le champ de plusieurs
 coups:& se sentant frappé à la mort,
 il s'escria:O mon Dieu, ie vous rends
 graces de ce que vous auez permis
 que ie sois quitte à si bon marché:&
 ainsi mourut & son corps fust brus-
 lé. Voila la fin de ce religieux per-
 sonnage, lequel souloit dire à ces
 compagnons quād il leur disoit qu'il

vouloit tuer le tiran : Sy ie pensois
 eschapper la mort, ie ne l'entrepren-
 drois iamais, d'autant que ie scay, que
 l'on me voudroit honnorer & don-
 ner recompense : mais helas ie ne de-
 fire rien que la remission de mes pe-
 chés & fautes. Et comme sagement
 respondit ce Roy auquel l'on voul-
 loit persuader qu'il feist mourir son
 successeur qui le troubloit : s'il doibt
 estre mon successeur, ie ne le puis fai-
 re mourir. Ainsi d'ocques encore que
 ce tyran sceust par ces forcelleries
 que vn iacobin luy debuoit auancer
 sa ruyne, si cela ce debuoit faire par
 permission de Dieu, il ne le pouuoit
 euitier. Voila finalement la fin & ache-
 uemēt de ce tyrā, autāt & plus admi-
 rable que celle d'Holoernes, en ce
 que Iudith estant femme & belle, fa-
 cilement elle apatast oeluy duquel
 elle

elle emporta valeureusement la re-
 ste. Mais ce bon & simple religieux,
 sans grace n'y doctrine, & ia descou-
 uert par les sorciers, faisant vn acte si
 heroyque dans vne armee, en la pre-
 sence de plusieurs personnes, nous
 laisse, & à la posterité, vn subiect pour
 considerer les merueilles de Dieu, &
 dire avec le Prophete, *A Domi-*

no factum est istud, & est
mirabile in oculis
nostris.

F I N.

~~15~~

Sept. 29. 4. 97

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897

1897



